



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1719. usque ad annum 1720

**Fleury, Claude**

**August. Vind. [u.a.], 1782**

**VD18 13322648**

§. 31. Prosperum iter Mediobarbi Legati Apostolico Peckinum versus.

---

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

monstravit epistolam, qua Peckinenses Sæc. XVIII.  
 Jesuitas monuit, ut tandem summi Pon- A. C. 1720.  
 tificis jussis obtemperarent, & Impe-  
 ratoris cor in Missionis beneficium e-  
 moliri conarentur.

§. XXXI.

*Prosperum iter Mediobarbi Legati  
 Apostolici Peckinum versus.*

Præstituta igitur die pro futuro itinere *Halde Hist.*  
 Peckinum versus magna navis in- *Sin. tom. 3.*  
 struebatur; erigebatur in ejus malo ve- *Seff. 1.*  
 xillum flavi coloris, cui grandiusculis *S. 282. p. 154.*  
 literis intexta legebantur hæc verba:  
*Ex magno Occidente Legatus ad Impera-*  
*torem venit.* Sequenti die Legatus portu  
 solvit, comitantibus eum Imperatoris  
 Oratore, Mandarinis, aliisque Manda-  
 rini *Zuntu* & Pro-Regis famulis, qui  
 cunctas itineris impensas præstare jussi  
 erant. Jam per novem dies mare ple-  
 rumque inclementius Legato cum om-  
 nium admiratione secundissimum divino  
 favore cursum indulsit, unde tanquam  
 per otium & non per laborem atque pe-  
 riculum velis ac ventis mire colluden-  
 tibus ad urbem *Kieng Heu* die septima  
 Novembris appulsus est, continuato e-  
 tiam itinere die decima tertia ejusdem  
 Mensis in portum *Can Ceu* invehebatur,  
 ubi in terram exscensione facta ad  
 PP.

Sæc. XVIII. PP. Jesuitarum Collegium divertit, et  
 A. C. 1720. que a Patre Cossa Superiore laute ex-  
 ceptus, altera die plures Urbes tran-  
 currit, ubique dispositis ad oram fle-  
 minum longa serie militibus, & Præ-  
 fectorum salutationibus, aliisque læti-  
 tæ significationibus præclare hono-  
 rus. Tam fausta navigationis prin-  
 cipia nil aliud nisi prosperrimum Lega-  
 tionis successum prælagire videbantur.  
 Postquam vero ad *Kan Can* Provinciam  
*Kan Sii* Metropolin pervenerat, die vi-  
 gesima quinta Novembris ad *Mandari-  
 num Tsong tou*, qui Legatum ex im-  
 pulsu Patris Laureati Peckinum, neque-  
 dem expectato Imperatoris mandato,  
 venire rogabat, Imperatoris literæ de-  
 feruntur, quibus apertis *Mandariis*  
 velut fulmine tactus comperit, Impe-  
 ratorem inhibere, ne Legatum ad *Au-  
 lam* accedere permetteret, nisi prius  
 hic Legationis suæ causas aperuisset.  
 vespere insuper ejusdem die alius *Man-  
 darinus* ab Imperatore missus *Orator*  
*Sinico* quasdam quæstiones, ad quas  
 Legatus responderet, tradidit; mox  
 ergo *Orator* Patrem *Pereira* accer-  
 sens, eidem scriptas hæc consignavit  
 interrogationes, latine reddendas, nul-  
 laque mora Legato tradendas: Hic  
 vero ad illas ita respondit.

Intro-

*Interrogatio Prima:* Antequam per-  
venires, pervenerant duo Europæi ap-  
pellati PP. Cæsati & Ferrarii, qui de-  
tulerunt Epistolam Pontificis. Inter-  
rogati de caussa adventus, mihi respon-  
derunt. Interrogati pariter circa ne-  
gotium Mandati Imperatoris, quod secum  
tulit Pater Provana, dixerunt, quod  
summus Pontifex statim post illos mis-  
surus esset Legatum, qui responderet  
Imperatori pro P. Provana.

Sæc. XVIII.  
A. C. 1720.

*Responsio.* Dixi in aliis meis Respon-  
sionibus, quod summus Pontifex valde  
dubitabat, dictum Patrem non posse  
pervenire ad Sinas, propter suas  
infirmities & ideo ipsi Patri Provanæ  
nullum dedit responsum circa Mandata  
Imperatoris, maxime, quia etiam sum-  
mus Pontifex desiderabat demonstrare  
animum suum gratum erga Imperato-  
rem cum expeditionibus sui Legati, &  
aliorum Patrum variarum artium peri-  
torum, quapropter me misit cum Brevi  
suo ad hunc potentissimum Impera-  
torem.

*Secunda Interrogatio.* Annis præte-  
ritis venerunt ab Europa isti tres ho-  
mines, Fabri, Pedrini & Ripa, qui se  
dixerunt Legatos a summo Pontifice.  
Imperator annis præteritis illos optime  
habuit, Fabri infirmitate decessit, Pe-  
drini & Ripa ex eorum agendi modo  
non

Sæc. XVIII non videntur homines Legati a Pontifice, isti homines missi fuerunt Legati a Pontifice, nec ne?  
A. C. 1720.

*Responsio.* Fabri, Pedrini & Ruffini revera missi fuerunt a summo Pontifice quia sciebat imperatorem delectari hominibus artium peritis, sed illos non misit tanquam Legatos ad aliquod negotium, & certe summo Pontifici motum displiceret, si eorum agendi modus non congrueret, & suæ æstimationi quam habet pro Imperatore & Beneficiis, quæ ipsemet Imperator dignus est conferre istis PP. Pedrino & Ruffino.

*Tertia Interrogatio.* Anno Imperatoris 55. pervenit ad Metropolim Provincie Kam Junc Constitutio prohibitiva, sed de ista Constitutione dubitabatur, Imperator misit hunc Praesulem. Ista Constitutio estne vera vel falsa?

*Responsio.* Summus Pontifex non expedivit Constitutionem in Sinas ad Europæos, an vero ista, de qua interrogor, sit eadem quam summus Pontifex expedivit, statim ac videro, cognoscendam, an sit vera vel falsa.